

Piste 312_7

Wadje

Owakati wahe nkodo ya Itsandra mdjini, pvala emFarantsa yandzo yandjiye Komori, pvwakaya mndru yadoparwa Wadje, o hao Ntsudjini (Itsandra)

Haka emaskini wahe mamaskini wakaya Ntsudjini

Usiku mwengoni mwa usiku pvwakaya urwaya madji ya mdji
E mwanamshwa hahe haroha yendfe yameye madji
Hendfe kadja pvwawa, hanambulwa eshe irovu yabaliya yendfe yameye madji, harendwa mndru tsi hindru ba hari ye maskini
Istongeza kwadjala mbahindru hula dhoni

Ola mndru yaka ure madji yaho mdji hadja haka usafihi ola mwanamshwa Wadje, ra ye ra mdzadza hahe
E mwanama hahe Wadje hadja ha ambilwa zendrongoo ola mndru yaka uhamba

Hamba :

- Eka izo dizo ya hamba yapvo nge djuha bo mdzadze ba ngari rohao Ntsudjini
Ngar'endao zatru Iconi rabaki

Wendfe oha mfaume Iconi

Ola Wadje hendfe hamwambiya ukaya :

- Ngam djuwo ukaya haina Inya Matswa Pirussa ngwadjo paro wana ne Inya Fwambaya.
E Bambao ngayidjo paro wana na Itsandra
Yapvo nge ngamhu tsaho hadja
O usiku bo mfaume udjoka uhenda wawane na Itsandra,
ngamwandzo unibaliye nike le soroda

Karidja hundra ntsu tshashi pvala, pvwa djuha nkodo e bayina Inya Matswa Pirussa ne Inya Fwambaya

Wadje ne wandru wahahe wendfe wahundru Ntsudjini izingiziwa ne ngome

Pvahe Wadje hambiya owandru wahahe ukaya :

- Namtsi baliye zononde, wala mtsi baliye hindru ba mi de uendesoko enkodo leo !

Haina mndru natso **b**aliya mdjali

Pvowa henda pvala Wadje hakaza mlingo hashilie ngome handani
Hadja hambiya owasaya waheye **b**a owandru wasiuha, wende
wapatsiza mdjali omdji piya wa Ntsudjini

Haina yadjuha ngutso parisa enyumba hahe indjiya mdro
Omdji uriki !

Wadje ne wandru wahahe wende wahimi homwangoni
Omwango wa uroha Ntsudjini wotsoka mdzima
Haina mndru yendo pvira pvala yatrawe omdro ngutso pulwa eshe
hitswa

Wadje hambiya wala wandru wahahe ukaya :

- Haina yadjo upulwa eshe hitswa namtso hamba ukaya
Enge mba Wadje madji, **b**ahi emadji kayi djadjoka ya Wadje !

Pvala haka uhandza yaonese ukaya, mndru kado oneya mwanadamu